

廣東教育廳函開。頃接日本總領事天羽英二函開。大版發明協會經得農商務省之補助。與大版府立商品陳列所之後援。定於本年三月十五日起。約期六週間。開一發明獎勵展覽會。並利用此機會。將諸外國少年少女所製成之圖案。(以自己發明或自出心裁者為主)及手工品等陳列。以供一般之參攷。等情。依類散署在粵徵求出品。故敢煩貴廳傳達關係各方面。照下列條項。廣為蒐集。是為至感。等由。查前年吾粵開教育博物展覽會時。曾得彼國徵求出品。經送多種來粵陳列。頗著成績。茲准前因。自係往還之舉。藉收他山之助。事屬可行。相應函達尊處。希即依照原列條項。搜集出品。早送來廳。俾便轉交陳列。為荷。計抄發徵求出品原列條項。(一)就小學校或女學校搜集。(二)每出品須註校名及作者之年齡。(三)報明搜集所要之費用。(四)至遲須本年一月末送齊。等因奉此。自應照辦。除分行外。為此仰該校長。即便遵照。如有學生製成之圖案。及手工品。即依條項列註明白。限於本月二十五日以前。逕送至局。以憑彙轉陳列。勿有違延。切切此令。

教育局長王仁康

廣州市公用局咨公安局請飭區令警督拆裝帽街道全茶室瓦面棚架并勿貼近電線以免危險由

為咨請事。查電力公司裝掛高壓電線。其力猛烈。無論何物。均不得與此種電線接近。而尤以五金屬為甚。倘與人身接觸。相連地氣。更有莫大危險。去年十一月二十七日裝帽街道全茶室瓦面。有棚匠伍瓊一名。被電斃命。殆因不慎觸電所致。敝局為防患未然起見。節經分別佈告嚴禁。并咨請取締干涉。建築屋宇及搭蓋棚架。不准貼連電線。暨令飭電力公司。將露爛電線。妥速修換各在案。現據查報裝帽街道全茶室瓦面。仍有棚架一座。貼近電線。若不拆除。稍有不慎。易蹈伍瓊故轍。相應咨請貴局查照。希煩轉令該管警區。迅派長警。按址將該道全茶室瓦面棚架。立予督拆。并諭派出各警及在場工役。對於于高壓電。勿稍逼近。以免禍患而保安寧。仍望見復。足紉公誼。此咨廣州市公安局局長吳。

一月八日

公用局長姚觀順

廣州市公用局布告擬定各用戶裝水

鏢標進由布告第肆拾號

為佈告事。案據商辦廣州市自來水股份有限公司呈。以擬訂裝用水鏢標準。懇請核定飭遵等情。暨奉廣州市市政廳第二五三三號批。據自來水公司呈。為擬訂裝用水鏢標準。呈請核定飭遵由。奉批開。呈悉。仰公用局查核妥辦。具報察奪。既據分呈。仍候省長批示。此批 副呈發。又奉

廣州市市政廳第二二一三號訓令開。現奉

廣東省長公署第二二零五號批。原具呈人自來水公司呈一件。為擬訂裝用水鏢標準。請核定飭遵由。批開。據呈擬訂裝用水鏢標準。是否允協。既據分呈有案。仰廣州市市政廳轉飭公用局核明妥辦飭遵具報。此批。等因奉此。查此事昨據該公司。呈同前情。業經批行該局查核妥辦具報察奪。既據分呈。仍候省長批示在案。現奉批前因。合行令仰該局。即便遵照核明妥辦。飭遵具報。以憑轉呈。此令。等因奉此。查用戶安設水鏢。足以節制用水。杜絕浪耗。前經本

局迭次佈告勸諭裝鏢。均期酌盈濟虛。薄沾水利。惟市內用戶既繁且多。一旦盡令全數裝鏢。其勢或有不能。自應核定妥適辦法。以便遵循。當即妥定裝用水鏢標準。無分團體巨宅商店。統以食水人數為前提。即明戶食水人數在十一人以上。及十一人以下。而屋內浴房水廁尿兜水景者。一律勸裝水鏢。其十人以下而無上列設施者。則暫緩安設。仍照前定食水章程。於定額六人。每月納費一元四毫之外。添多一人。遞加二毫所有人數。以各該用戶具報警區戶口冊籍為憑。至若勸裝水鏢手續。應由自來水公司通函應裝水鏢用戶。限十五日內答復。如有故障逾期。應予展限十日。如仍逾一。再准展限一星期。若經最後通函。仍無具體辦法。則暫行截水。俟照章裝鏢後。再復開用。將來十一人以上用戶。陸續裝齊水鏢。再行體察情形。逐漸推廣裝設。此種辦法。原承限制。取締浪耗。期救水荒。而用戶方面。依期妥商裝鏢。亦可免急迫無措之虞。節經妥為核議。呈復察奪在案。旋奉廣州市市政廳第一二零號指令開。呈悉。如議准予試辦。仰即轉飭該公司遵照。并佈告市民知照。仍將辦理情形呈報。以憑轉呈。此令。等因奉此。自應遵